



REPUBLIKA E KOSOVËS / REPUBLIKA KOSOVA

GJYKATA THEMELORE PRIZREN - DEGA E GJYKATËS SUHAREKË

Numri i lëndës: 2020:036514

Datë: 13.03.2020

Numri i dokumentit: 00898037

P.nr.1/2016

**NË EMER TË POPULLIT**

**GJYKATA THEMELORE PRIZREN DEGA NË SUHAREKË**, Gjyqtari Qemail Suka, me pjesëmarrjen e Sek. Juridike Vjollca Bytyqi, në lëndën penale sipas P.Th. nga Prizreni, aktakuzës **PP.nr. 3866/15 te dt. 29.12.2015**, ndaj të pandehurit D. T. nga fsh. Ll. komuna Shtime, për shkak të dyshimit të bazuar se ka kryer veprën penale vjedhja e pyllit nga neni 358 par. 2 lidhur me par. 1 i Kodit Penal, në prezencë të prokurorit të PTH-së, nga Prizreni Atnor Skoro, dhe të akuzuarit, në seancën e shqyrtimit fillestar, të mbajtur me dt. 12.03.2020 mori, publikisht shpalli dhe me date 13.03.2020 përpiloi këtë:

**A K T G J Y K I M**

**I akuzuari** D. T. i lindur më 04.01.1979, nga i ati M. e ëma E., e gjinisë G., me vendbanim në fsh. Ll. Komuna Shtime, i martuar, baba i katër (4) fëmijëve, ka të kryer shkollën fillore, i gjendjes së dobët ekonomike, me parë i pa dënuar, shqiptar shtetas i Republikës së Kosovës. me numër .....

**Ë S H T Ë F A J T O R**

Sepse me dt. 31.10.2015 rreth orës 16;20 minuta në vendin e quajtur "M." Njësia Ekonomike Pyjore "Koka e ahut", me qëllim të vjedhjes pret me motor share dru të llojit "Ahu" dhe atë 40 copë, me diametër prej 12 cm, të gjata 13 metër, me vëllim të përgjithshëm 2.00 metër kub, 20 copa dru, me diametër prej 14 cm, të gjata 15 metër, me vëllim të përgjithshëm 2 metër kub, e që në total gjithsej ka prerë dru me vëllim të përgjithshëm 2 metër kub, e që në total gjithsej ka prerë dru me vëllim të përgjithshëm prej 6 metër kub, me q rast të dëmtuarës, DZHBP-në Suharekë i shkakton dem në shume prej 918 euro.

**Me këtë ka kryer veprën penale vjedhja e pyllit nga neni 358 par. 2 lidhur me par. 1 të Kodit Penal.**

Andaj gjykata në kuptim të nenit 41, 51, 52, 73, 74 KP-së, si dhe neni 359 par. 1 dhe 2 dhe neni 365 të KPP-së i shqipton:

**DËNIM ME KUSHT**

Duke ia caktuar dënimin me burgim në kohëzgjatje prej tre (3) muaj dhe dënimin me gjobe në shume prej 200 euro, të cilat dënime nuk do të ekzekutohet nëse i akuzuari në afat prej një viti nga dita e plotfuqishmërisë së këtij aktgjykimi, nuk kryen vepra tjera penale.

I akuzuari lirohet nga shpenzimet e procedurës konform nenit 453 par. 4 të KPP-së.

Udhëzohet pala e dëmtuar, Drejtoria për Zhvillim Bujqësi dhe Pylltari në Suhareke, qe kërkesën pasurore-juridike ta realizoje ne kontest te rregullt civil.

### **A r s y e t i m**

PTH-e me aktakuze **PP.nr. 3866/15 te dt. 29.12.2015**, ndaj të pandehurit D. T. nga fsh. Ll. Komuna Shtime, për shkak të dyshimit të bazuar se ka kryer veprën penale vjedhja e pyllit nga neni 358 par. 2 i Kodit Penal, te cilin gjatë seancës se shqyrtimit fillestar e ka përfaqësuar PTH nga Prizreni Atnor Skoro, i cili ne tërësi ngel pranë te dhënave si ne aktakuzë, qe i akuzuari te shpallet fajtor dhe te dënohet sipas ligjit.

Gjykata ne shqyrtimin e sotëm dhe me vet pranimin nga ana e te akuzuarit e ka vërtetuar gjendje faktike si në dispozitiv të këtij aktgjykimi

Këtë gjendje faktike gjykata e ka vërtetuar nga vet pranimi i te akuzuarit i cili ne shqyrtimin fillestar e ka pranuar fajësinë.

Gjykata sipas detyrës zyrtare konform nenit 257 te KPP-së ne shkresat e lendes nuk ka gjetur ndonjë prove te pa pranueshme dhe po ashtu gjykata ka vërtetuar se i akuzuari, e ka kuptuar natyrën dhe pasojat e pranimet te fajësisë, pranimi i fajit nga ana e te akuzuarit, është bere vullnetarisht ne shqyrtimin fillestar, pranimi është mbështetur ne faktet e çështjes qe përmban aktakuza, te cilat gjinden ne shkresat e lendes si dhe provat materiale te paraqitura ndaj te akuzuarit nga ana e PTH-ës ne Prizren.

Gjykata po ashtu ne tërësi ka ardhur ne përfundim se pranimi i fajësisë ne shqyrtimin fillestar nga ana e te akuzuarit, është bërë ne pajtim me dispozitat e nenit 248 te KPP-së, nga se nuk ekziston ndonjë nga arsytet dhe kushtet për hedhjen e propozimit akuzës, apo pushimin e procedurës penale.

Nga këto fakte te cilat i përmban aktakuza, Gjykata ka ardhur ne përfundim se me veprimet e te akuzuarit formohen te gjitha elementet e veprës penale vjedhja e pyllit nga neni 358 par. 2 lidhur me par. 1 i Kodit Penal, andaj gjykata ka vendosur se i akuzuari është fajtor dhe i shqiptoi dënim me burgim prej tre muajve dhe dënim me gjobe ne shume prej 200 euro, te cilat dënime, nuk do te ekzekutohen nëse në afatin e verifikimit prej një viti, i akuzuari nuk kryen vepër tjetër penale.

Gjykata gjate marrjes se vendimit mbi dënimin ka vlerësuar te gjitha rrethanat ne kuptim te nenit 73 te KP-së, te cilat ndikojnë ne lartësinë e dënimit.

Gjykata si rrethane lehtësuese mori për baze se i akuzuari e ka pranuar fajësinë ne mënyrë vullnetare, është penduar për veprën e kryer penale, dhe është zotuar se në të ardhmen vepra të tilla apo të ngjashme nuk do të përsërit, jeton në gjendje të dobët ekonomike, kurse rrethana posaçërisht rënduese nuk gjeti, ndërsa gjatë vendosjes për dënimin e shqiptuar, pati parasysh qëllimin e dënimit që të njëjtiti mos të shkaktohet vuajte, por i njëjti të risocializohet.

Vendimi mbi kërkesën pasurore juridike e mori ne kuptim te nenit 463 te KPP-së.

Vendimi mbi shpenzimet e procedurës u mori ne kuptim te nenit 452 paragrafi, 1 te KPP-së.

### **GJYKATA THEMELORE PRIZREN – DEGA SUHAREKË**

**Gj y q t a r i**  
**Qemail Suka**

**KESHILLE JURIDIKE:** Kundër këtij aktgjykimi pala e pakënaqur ka të drejtë ankese në afat prej 15 dite, nga dita e marrjes së të njëjtiti, Gjykatës së Apelit në Prishtine, përmes kësaj Gjykate.